



PUO EA

TONA-KHOLO

DR. MOEKETSI MAJORO

PHETHOLONG EA LEKOTE LA KHAHO

EA SEPETLELE SA MASERU

KA LA

24 TLHAKOLA, 2021

MASERU, LESOTHO

- Motlottlehi Letsie La Boraro;

- Mookameli oa Ntlo ea Mahosana;
- Motsamaisi oa Lipuisano ka Lekhotleng la Sechaba;
- Moahloli e Moholo

- Motlatsi oa Tonakholo;
- Mohlomphehi Mookameli oa Lekhotla la Maipiletso;
- Matona a Khabane;
- Baahloli ba Lekhotla le Phahameng;

- Your Excellencies Heads of Diplomatic Missions and International Organizations;
- The Representative of the People’s Republic of China to Lesotho

- Litho tsa Matlo a Mabeli a Paramente;
- Bakhethoa ba teng koano;

- Morena oa sehlooho oa Thaba-Bosiu;
- Morena oa sehlooho oa Matsieng;
- Mongoli e moholo oa ‘Musu;
- Bangoli ba baholo;
- Litho tsa Makhotla a Puso ea Libaka;

- Baruti ba Moshoeshoe;
- Bo-‘Me’ le bo-Ntate, esitana le lona bana ba ka.

Ke tlotla e kholo ho 'na ho ba le lona letsatsing lena la bohlokoa nalaneng ea naha ea Lesotho ea ho phethola lekote bakeng sa khaho ea **sepetlele se secha sa setereke sa Maseru**. Ke tloaelo ea Lekala la Bophelo ho hlalohanya lipetlele tsa 'muso ka mekhahlelo ea tsona e kang litleleniki, lipetlele tsa litereke, lipetlele tse kholo tsa naha (joalo ka QMMH), le tse ikemetseng. Ha QMMH e ahoa, 'muso o ne o ile oa etsa qeto ea hore litleleniki tsa Domiciliary le Likotsi e tla tsona tse tla phetha mesebetsi ea setereke sa Maseru ho kenyeletsa le ho sesefa bakuli ba tla romelloa sepetleng se seholo sa Naha, e leng QMMH. Empa hang kamora hore tšebetso ea Tšepo e qale, ho ile hoa hlaka hore likhakanyo tsa bakuli tse sebelisitsoeng ho rala sepetlele sena li ne le fosahetse, 'me tlhokahalo ea sepetlele sa setereke sa Maseru ea iponahatsa esale sethathong. 'Muso o bile oa tlameha ho boela o bula sepetlele sa Queen II kamora hore o se koale.

Ke leboha ruri ha letsatsi lena la ho phethola lekote khahong bocha ea sepetle sa Queen II boemong ba setereke sa Maseru le fihile. Ho latela moralo oa Lekala la Bophelo, sepetlele sena se tla sebetsa joale kaha eka ke sepetlele se seholo sa Naha (National Referral Hospital) ka ho amohela karolo e 'ngoe ea bakuli e neng e tla tlameha ho emela hore sebaka se hlahe mane QMMH.

Boikeletsong ba ona, 'Muso oa Lesotho o ile oa atamela Naha ea China ho tšehetsa morero ona oa 'muso ka lichelete tlasa selekane sa Africa le China se bitsoang **Focac**, 'me China e ile ea amohela kopo eo.

Boteng ba sepetlele sena sa setereke sa Maseru bo tla fokotsa sekhahla sa tšubuhlellano eo re neng re se re e bona sepetleleng se seholo sa Queen Mamohato Memorial.

Sepetlele sena se reretsoe ho tla thusetsa, hara a mang a mangata, mafung a **mahlo, mofetše, TB, HIV**, mafu a **bana**, le mafu a sa tšoaetsanoeng joalo ka **lefu la tsoekere** le la **phallo ea mali**. Se tla ba le matlo a bolulo a lingaka nakong eo li leng mosebetsing, se be le thepa ea ho rupela baithuti ka marang-rang (**telemedicine teaching equipment**) e tla hokahanya lingaka le bakuli; se be se fane ka tšebeliso ea ho rupela lingaka le manese (**internship and practicals**). Ke sa le mothating ona, bontše hore sepetlele sena se tlo ba le libethe tse makholo a mabeli (200 beds).

Ere kaha moaho oa sepetlele sena ke mpho ea Naha ea China, Mokonteraka ea tlo aha sepetlele ke Shanghai Construction Company, e tsoang hona naheng ea China, 'me ke thabela ho le tsebisa hore mokonteraka, ho kenyeletsoa litsibi le liahi tsa habo ba se ba le teng ka hare ho naha, 'me kajeno lerole le tla qoba. Ke motlotlo ho le bolella hore ke basebetsi ba ka bang lekholo ba Basotho ba tlang ho fumano mosebetsi naking ea khaho ea sepetlele sena.

Khaho ea sepetlele sena e tla re qosa chelete e kaalo ka limilone tse makholo a robeli a maloti (**M800m**), 'me se lebeletsoe ho qala tšebetso ea ho amohela bakuli ka selemo sa **2023**. Botsamaisi ba Sepetlele sena e tla 'ne ebe ba Lekala la Bophelo ka basebetsi ba ntseng ba le teng, bao ha joale ba sebeletsang mane Sebaboleng. Leha ho le joalo ba tla tlatsetsoa ke litsebi tse tsoang China (**Chinese Medical Team**).

Ho sa le joalo Lekala la Bophelo le rerile ho koetlisa Basebetsi ba mashome a mabeli (20) litabeng tsa tsamaiso ea sepetlele ele ho tlatsetsa ba ntseng ba le teng.

Ke lebohela sechaba sa Basotho le Baahi ba Maseru ka mosebetsi ona o moholo o tlang ho phethahatsoa kajeno. Ke tšepo eaka e tiileng hore morero oa 'muso oa ho anetsa litšebeletso tsa bophelo e se e le ha o thakhohile, 'me kea le tiisetse sechaba sa heso hore re tla boela re bona ha 'muso o thakhola tse ling tsa litsi tsa bophelo metseng haufinyane.

Re leboha bohle 'musong ona le o fetileng ba kentseng letsoho hore morero ona o moholohali o atlehe; re re le ka moso. Ebile leeto le thata la litseko le litsekisano, empa khabareng tharollo ea eba teng, molemong oa sechaba!

To Ambassador Kezhong Lei, the China Ambassador to Lesotho, I wish to thank the Government of the People's Republic of China for the substantial grant, which testifies to the strengthening of our bilateral cooperation and friendship. This is one of the many projects that China has assisted Lesotho with. The new M800 million hospital will be a modern facility that intends to provide improved health services to Maseru residents and others, and in particular services including eye care, cancer, TB, HIV, and non-communicable diseases including via telemedicine platforms. The hospital will also have training facilities and dormitories for trainee doctors and nurses and will feature some of the state-of-the-art medical equipment.

Over the last months, we have witnessed many instances of material support by the People's Republic of China to our country, including on PPE, food assistance, infrastructure including roads and energy projects and today's support to the health sector. The bonds of friendship and cooperation have continued to strengthen and should be based on demonstrable mutual support for each other. I would like specifically thank Ambassador Lei for his effective and professional representation of his country here in Lesotho.

Joale ke phethola lekote ele hore tšebetso ea khaho e qale.

Ha le qobe lerole!!

KHOTSO!! PULA!!! NALA!!!